



# Hmasawanna Thar

( A N I N D E P E N D E N T D A I L Y N E W S P A P E R )

Regd. No. RNI - 40917/89 | Postal Regd. No. MNP - 67

Daily & Direct Service

JIRIBAM / HMARKHAWLIEN

C/o Babita # 9862129273

Contact Numbers pawimaw : DC/CCPur : 03874-234234 SP/CCPur : 03874-236747 Police Station : 03874-202248 SP Control Room: 03874-233239 Dist. Hospital Casualty : 03874-233370 Fire Brigade : 8974 147 799/ 8258 057 887 / 8974 103 600

Hmasawanna Thar Vol - 32/169

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy

## Minister V. Hangkhanlian an inhmupui



CCPUR: Pherzawl District Development Committee (PDDC) chun April 2, 2017 zingkar khan Pu V. Hangkhanlian, Minister (Minister, Vety. & Animal Husbandry, Agriculture) chu Zenang Lamka, CCPur-a a chengnainah an inhmupui. PDDC thuoi tu Pu H.K. Joute, Chairman; Upa L. Thanzam Pulamte, Secretary; Pu Timothy Z. Zote, Public Relation, PDDC hai chun Pu V. Hangkhanlian chu Minister a chang lawmpuinain Hmar Thang-suopon insiltirna an nei. Hi huna hin tulaia Manipur-a district thar 7 siem thar hai keikir (rollback) dinga hrilrik le thuthang um neu neu chungthua PDDC han indawna an siem

dawnin Pu V. Hangkhanlian chun district thar hai nuom ela an rollback a ringnaw thuin a dawn a. Ei ram del le chengnahaiah inthlierhranna um lova development sin thaw pei a ni ding thu PDDC thuoi tuhai hi a tiem bakah sawrkar insiemfel hun lai a ni leiin a Department Vety & Animal Husbandary le Agriculture a khawm nuom anga sin a la thaw tan theinaw thu a hril baw. Inhawng taka Pu V. Hangkhanlian in a lo lawmlutna chungah PDDC chun Pu Hangkhanlian chunga lawmthu hrilin ditsakna insang tak an inhan thu L. Thanzam Pulamte, Secretary, PDDC in April 2, 2017 nia thusuok a siema chun an ziek.

## Inringzotuna ei inhmang ta kha neikir nawk dingin hma lang ei tiu: N. Biren Singh, CM

IMPHAL: Manipur Chief Minister N. Biren Singh chun zani sun dar 11:30 khan a Office-ah Manipur Hill Journalists' Union (MHJU) thuoi tuhai in pawlpuna a nei. Manipur a hnam chi tum tum chenghai laia inringzonawna um hi in pawpnawna kar-awl a um lei a nih. Inringzotuna ei inhmang ta kha neikir nawk le hmukir nawk dingin hma lang ei tiu. Mihriem ei ni a, ei in pawpnawna le kar-awl a lo um khawma inbiekpawa in hriethiemtuod ding ei nih. Inringzotuna ei inhamng ta kha ei hmukir nawk theina dinga ka Slogan chu "Tlangramah fe ro" ti a nih tiin N. Biren Singh chun MHJU thuoi tuhai kuomah a hril. Thil iengkim inlangtlang taka thaw ka nuom a. Tlang-



mi le phaimihai karah inringzonawna um hi ei hmu le neikir nawk theina dinga thurawn in neihai chu mi hung hril pei ro tiin CM chun ngenna a siem baw. chungchanga hin media han thaw ding le mawphurna lien tak in nei a nih tiin a hril baw. Churachandpur chungchanga a hrilnaa

chun, inbiek kan peizing. Iengpo khawm lung sienla inbieknaa chingfel thei vawng a nih. Independent khawm ngen ni inla inbiek tho a tul a nih. Mithiruong kum hni lai zet vui lova a um hi Pathien dit dan le remtizawng a ni bik ka ringnawh. Mithi sung hai lungril khawm inhawi rawngin um bik naw

nih. Inbiekremna a hung umtheina dingin hma mi lakpui ve ro, JCAATB hotuhai kuomah khawm palai ka tir a, ziek ngein dawnletna an hung pek tah. Hi leha hi Agriculture, Veterinary & Animal Husbandary minister V. Hangkhanlian an inhmang in chawitir a. Hi thua hininbiekna a hung um thei ngei ka beisei

tiin N. Biren Singh chun a hril. Thisena unau ei ni a, inlakhran tum inlakhawm a thei tak tak nawh. Hmasawna leh inbiekpawa thil ei thaw hi ka tiltum a nih tiin CM chuna hril. Editor pakhatin Hill Areas Committee Chairman dingin tum ruot i ta? tia indawna a siem dawnin CM N. Biren Singh chun, Henglep A/C a inthawka thlangting T. Thangzalam Haokip (T.T. Haokip) ruot ning a tih tiin a dawn. MHJU chun Imphal-ah MHJU pawl ta ding khawma Press Club bawling, Hill District Headquarters tinah Press Club indin ding le Churachandpur a Press Club chu a sietnabai siem tha dingin an ngen a. CM chun a lo bawzui ding thu a hril.

Churachandpur a Press Club siem thatna ding thu lem chun Chief Engineer, PWD a phone ngal a. Hi thil hi PWD chun an bawzui ding thu a hril. Vawisun hin PWD hnuoia Section Officer pakhatin Press Club ngirhmun hi a hmuna hang enfel a tih. Press Club um nawna Hill District haiah chun Mini-Secretariat tinah District Administration tinin Room pakhat pehai sienla tha a ti thu CM hin a hril. Chun, Imphal-a Press Club hmun ding chu MHJU thuoi tuhai lo zawng a, an hmu pha leh in hriethir dingin a hril. Imphal-a Press Club um hmaa anlo hmang ding khawm CM hin hmum/pindan remchang lo ngaituo pek dingin CM hin a tiem baw.

## Hmar Martyrs's trophy opening

CCPUR: Hungtlung ding April 5, 2017, 1:00PM khin Saikawt playground, Saikawt, CCPur, Manipur-ah The 26th Hmar Martyrs' Day-cum- 14th State Level Hmar Martyrs' Trophy Opening Ceremony hmang ning a tih. Pu Thangiang Haokip, President, Kuki Inpi, CCPur khuoliin thang a ta, Pu

B. Dongzalian, Chairman, Zomi Council le Pu Joseph Lalrothang, President, Hmar Inpi GHQ hai Guest of Honour le functional President in thang an tih. Opening ceremony hmangnaa hin Rev. Lalhanglung AG (localised) in hun hawng tawngt aina nei a ta, Compere Nk. Lawmnakim Hrangate in

Well come address hril a ta, HMARTOB President Pu Lalvullien in presentation hun hmang a tih. Chun, hi huna hin Nk. Lalengvari Sinate le Tv. Thawlehnaniropui (Puipua) han hla sak baw an tih. HMARTOB chun Opening Ceremony-a uop seng dingin mipui hai a fiel.

## State Cabinet Meeting nei a nih

IMPHAL: Zanikhan CM N. Biren Singh inrawinain CM Secretariat-ah State Cabinet Meeting nei a nih. Cabinet Meeting a hin technical post thenkhat ti lo, sawrkar thawktu pension tahai ruoi nawn lo ding, public transport system hmang ding, State hrana hrana Manipur Bhawan haiah Deputy Residence Commissioner sie ding, Prime Minister Kaushal Vikas Yojana hnuoia Skill Development Mission indin ding, Smt. Moirangthem (O) Imem Devi, w/o(L)



M. Rupachandra Singh sawrkar sin pek ding, Kasturba Gandhi Balika Vidyalaya in zirtiru an tlaksamna bawzui ding ti thu hai an rel bakah ramri chungchanga le corruption

do chungthu hai an hril- lang tiin PWD Minister le State Govt. spokesperson Thongiam Biswajit Singh in cabinet meeting zova chanchinbumihai an hmu- pui huna a hril

## RIMS Director dingin R.K. Dinesh

IMPHAL: President, Board of Governors, Regional Institute of Medical Sciences (RIMS) ni lai R.K. Dinesh, IAS (Manipur-2000) chu regular RIMS Director ding ruot a ni hmapo RIMS Director sin lo chel dinga ruot a ni thu zanikhan Deputy Secretary, Govt. of India B. Bandyopadhyay in Order an suo. R.K. Dinesh Singh hi kum 25 mi chau a ni lai kum 1999 khan India rama competition insang taka ngai Civil Services Exam-ah a vavikhat exam naah 11th rank a lak phak a, tuhin Secretary to MA-HYD/YAS, Govt. of Mani-



pur a chel mek a nih. R.K. Dinesh hi DM College of Science Principal hlui R.K. Sanajaoba le DM College of Arts & Commerce Principal hlui le CoHSEM Chairman hlui R.K. Ongbi hai nau palina a nih.

## CHANCHIN LAKTAWI

### HSLC Exam wawisun zo ta ding

CCPUR: Board of Secondary Education Manipur (BSEM) huoihawtna hnuoia March 17, 2017 a inthawka High School Leaving Certificate Examination, 2017 tana lo um ta chu wawisun hin Optional Subjects exam ning a ta, kum 2017 HSLC Exam zo a ni ta ding a nih. Tuchena hin CCPur district a chun exam-a thilthalo thaw leia hnawtdawk an la um nawh.

## ADC hnuoia Schools hai siemthat dan ding thu hriltlang



CCPUR: Zani zantieng khan Mr Langkhanpau Guite, Chairman, ADCC inrawinain a Office Chamber-ah Churachandpur district sunga ADC hnuoia Schools 170 um hai siemthat dan ding tuah meet- ing nei a nih. Hi huna hin Soiminlian Lenggen, CEO,

ADCC bakah Director of Institutions (DIs), Administration of Institutions (AIs), bakah ADC hnuoia School haia mawphurna nei bik hai an thang tawl a. ADC hnuoia Schools um hai siemthat a ni theina dinga thil thaw dan ding hai uluk takin hriltlangna an nei.

## IFCD minister in tuilienna hmun hai a sirkuol

IMPHAL: Irrigation and Flood Control Department (IFCD) Minister Shri Letpao Haokip le bieltu MLA Shri Karam Shyam, Consumer Affairs, Food and Public Distribution cheltu hai chun zanikhan Langthabal A/C huopung le Manipur University huomsung tuilienna a sukbuoia hmun hai an sirkuol. Manipur University campus sunga dam te

siema um chu tuilet suk- zuolkaitu a ni thu hrilin University thuneitu hai chu Campus sunga Dam te siema um chu thiekdar ngal dingin an in hriethir. Campus sunga Dam te siema um hi tui sekkhaw- na ding tia siem a ni a, sienkhawm ruotui tlak huna a luongliem leiin hi lai biela cheng mipui han harsatna an tuok pha a nih Letpao Haokip chun

mihriem siemfawm harsatna lung leia mipuiin harsatna an tuok mek hlipkieng a ni theina dingin mipui hai thlawpna a ngen a. Vadung kam le tui luongna ding dang za- wanga thil baw le thawa lo dingin a ngen baw. Karam Shyam chun, tuilienna huna sietna a lung nawna dingin dan lova vadung ruom sunga ekin le thil dang dang baw lo dingin mipui hai a ngen.

## JCO S. Sanayaima Kom ruang a hungtlung

IMPHAL: April 2, 2017 zana Jammu & Kashmir state a Poonch sector a Line of Control hmuna IED bomb puok leia thi J&K Rifles a JCO Naik Subedar S.Sanayaima Kom ruang chu zanikhan

Indian Air Force Vuong- gnain Tuilihal Airport, Imphal phurtlung a nih. Indian Army han a ruang hi inzana le chawimawng an pek zovin mithiruong hi a sunghai kutah an inhlân.

## UKDA helpawl (Martin group) 3 army han an kap hlum



GUWAHATI: April 2, 2017 zan khan Assam-a Karbi Anglong district sunga Jullian village-ah Army hai le United Kukigam Defence Army (UKDA) (Martin group) pawl nasa takin an inkapto a, inkap- tuoia hin UKDA cadre 3 kap hlum an ni bakah pakhatin hlienna a tuok a, inkaptoia hin ralthuom tam tak man a nih tiin Kar- bi Anglong district SP V. Shivaprasad Ganjala chun a hril. Intelligence report an hmu dungzua Karbi Ang- long Addl. SP inrawinaa 15th Gorkha Rifles le Assam Police thangruol han Singhasan hills-a dappui an va thawna hunah UKDA cadres 4 lo um han silaia

an lo kap leia inkaptoia hi lung niin Police thusuok chun a hril. Kap hluma um hai laia pahni hai chu Churachandpur district, Manipur mi Lunghongam le Ngulthamson hai an nih. Inkap- tuoia hmuna ralthuom man hai lai M-16 rifle le magazine 1, 7.62 rifle le magazine, 36 -hand gre- nade 1, Chinese grenade 1, M-16 rifle mu 138, 7.62 rifle mu 121, M-16 mu kapruok sa 41 7.62 rifle mu kapruok sa 62 bakah com- bat uniform, Burmese jung- le shoes pair 2, torchlight 3, Nokia mobile phone 1, notebook le April 25, 2017 nia CCPur panna ding Bus ticket umna Wallet le a dang dang a thangsa.

## THANGKO

1. April 3, 2017, 1:00PM khan Mr. Lalsan- suok (14), s/o Mr. Lal- hunein Inbuon of Sielmat chu a thi a, April 4, 2017 hin Sielmat thlanmuolah vuiliem ning a tih.

## World Autism Day an hmang



CCPUR: Zani zantieng 1:00PM khan Centre for Community Initiative (CCI) hmalaknain Mal- sawm Ability Resource Centre (MARC), Pear- sonmun-ah World Autism Awareness Day hmang a nih. Hi huna hin TMI student haia inthawk special item tum tum inentirna nei a ni a, CCI in Autism le inzwama Video an siem- tlangzar a ni a, Dr Kim Simte, CMO, CCPur in Autism Day thucha a hril. Dr Kim Simte chun, TMI-a hi hun mangna uop

theia a um chu lawmum a ti thu, CCPur district-a Block tina Disability Sur- vey thu sawrkarin sin thaw tan a ni le inzwama Block tin enkaitu dinga sie a ni thu, Disability Certi- ficate pekdwak a ni theina dinga pending case tam tak um hai an hmantienga suk- fel a ni theina dinga a thei china hma a lak ding thu a hril a. TMI staff hai inpe- kzona chu lawmum a ti thu hrilin, naupang ruolban annina hai an hmantieng hrietsuok a pawimaw thu a hril.

## LIC in Ceiling Fan an pek



CCPUR: Life Insurance Corporation of India (LIC) Churachandpur Branch chun kum 60 tingna Year- long Celebration an hmang mek le inzwamin zanikhan Dawn School (adopted School) hmang dingin Ceiling Fan 17 zet an pek. LIC hin September 1, 2016 khan Diamond Jubi- lee an hmang a, an Jubilee le inzwamin in chuknain haiah thanguina anga Dawn School kuoma Ceil- ing Fan hi an pek a ni a, stu-

## SAGY review meeting a um ding

CCPUR: April 5, 2017, 4:30PM khin DC Office, CCPur a BRGF Hall-ah Kangvai Model Village, Kangvai TD Block le Said- an Model Village, Saikot DT Block, CCPur haia Sansaad Adarsh Gram Yo- jana (SAGY) review meet- ing um a tih. Review meet- ing huna hin concerned line departments hieng Agriculture, Horticulture & Soil Conservation, Adult Education, CAF & Pd, Com- merce & Industries (DIC), Co-operative, Education (s), Power, Family Welfare, Fisheries, Forest & Environ- ment, National Health Mis- sion, PHED, PWD, Social Welfare, Transport, CEO/ADCC; Vety. Animal Hus- bandary, Statistics, Informa- tion (NIC), YAS, Irrigation & Flood Control/KCD-I, Minor Irrigation, PMGSY, Tribal Affairs & Hills, Tour- ism, CADA, NERCORMP a dang dang hai thang seng dingin Mr R. Sudhan, DC/ Nodal Officer (SAGY), CC- Pur chun an hriethir.

## Gospel Album tlangzar

CCPUR: Ms Roslyn Kimbuang Zou in "Mang- pha Hoihi Hi Vol-I" a siem Gospel Video Album chu zanikhan Donbosco Biekinah Father Emmanu-

el Kholi, Good Shepherd Parish Priest le Principal Donbosco Higher Sec- ondary School chun mi- tin in chawk thei dingin a tlangzar.

**GAS NEWS**  
Agency : KIM JOE  
Booking : 29th Dec., 2016 to 29th. JAN., 2017  
Delivery : 04-04-2017 (TUE)  
Time : 8AM-till stock  
STOCK : 306  
Agency: SAS  
Booking: 19th. DEC. 2016. to 19 JAN., 2017  
Delivery : 04-04-2017 (TUE)  
Time : 8AM- till stock  
STOCK : 306 Rate: Rs.884

**VAWISUN THUPUI**

Lalpa chu ka Berampu a nih, tlasam naw ning. Ama chun hlobet hring dup hmunahai a min bawktir hlak a, chawlna tui pangahai a mi thuoil hlak. Ka hringna hi a mi siem thar pek a, ama hming lein felna lampuihai a mi thuoil hlak.  
- Sam 23: 1-3

**Editorial**

**Hmunhnaw sawngbawl dan mumal nei a tul**

Mihriem ei pung pei ang bawkin hmunhnaw khawm a pung pei lein ei khawpui hai ei hang thlir a, ei hmunhnaw hai hin a mi hnawdawk naw chau an tah ti inla ei hril suol taluo ring a um nawh. Hi lei hin hmunhnaw sawngbawlna kawnga hin mipui le sawrkar thangruola hma nasa taka ei lak naw a ni chun ei khawpui sung hai hi mihriem chengna tlak lovin a um el thei ding a nih.

Prime Minister Narendra Modi inrawina hnuoia Central sawrkar chun faina le thienghlamma tiengpang a ngaipawimaw lein Swach Bharat Mission ti hming chawin hma nasa takin a lak a, ei rama khawm a ri chu ei hriet a, sienkhawm a taka suk-puitingna ruok chu hmu ding a la um naw a, Manipur a lem chun a ri ei hriet chau naw chu hi project hnuoia hmalakna hmu ding a la umnaw bawh mipui hai khawmin ei la hmelhriet naw (aware) naw hle niin an lang.

Tuhin BJP inrawinain Coalition sawrkar a hung ngir a, kawng tum tumah Manipur in hmel thar ineitir ngei tumin hma an lak a, Corruption sukbona ding kawnga khawm hma nasa takin a lak ta a. Hiengang bawh hin kawng hran hrana hmasawna hmel thar ei hmu ngei theina dingin sawrkar hmalakna hai mipui han ei thlawp a ngai ding a nih. Mipuiin ei thlawp naw chun ienganga projects, schemes le plan tha khawm induong inla a hlawtling ngainaw ding a nih. Chu ding chun sawrkar khawmin dan khau tak siem a, dan bawsietu hai dan anga a hrem pei ngam a tul bawh ding a nih.

Zani hmasa khan MAHUD minister Th. Shyamkumar chun Khwairamban bazar sunga Ima Keithel bawh thar mek le temporary market shed, BT Park a Ima market pathum hai a hmuna fein a va enfel a. Kha huna khan bazar-a inthung mipui hai chu hmunhnaw dengthang mei mei lo ding le hmunhnaw bawm nei seng dingin an hrietir bakah hmunhnawkbawm neilo hai an dawr licence suk-tawp pek an ni ding thu a hril a, thil tha tak a nih. Sienkhawm mipui le dawrkai hai ei thlawp naw chun umzie nei loa boral nawk el tho ding a nih.

Insung hmangruo, thuomhnaul le thil dang dang bazar-a ei inchwak hai thunna bawm le cover hai ti tak lovah ei ram suk-tawp le sukhmelisietu tak pakhat chu Bazar-a hmeruo ei inchwak hai le hmeruo thil hai an nih ti inla ei hril suol taluo ring a um naw a, Manipur state sunga hmun tawp zuolna hai khawm Bazar hmeruo zawrna hmun le a sevel hai an ni tlangpui.

Hieng a ni lei hin tuta Manipur-a BJP sawrkar thar hin ei hmunhnaw hai dehawn, rawhmang anawleh sawngbawl dan ding plan tha taka a hung siem nuom a um takzet. Khawpuiien hmun thenkhat haia chun hme zenna le hmunhnaw hai polythene or bawm in tuolah an sie a, tuk tinin a rukthawmtu han a hung rut a, thlatin pawisa an lo pek el a. Eini lai ruok chu tuta hma khan PLHIV tiengpangin iemanichen an hang thaw a, sienkhawm sawt an thaw thei nawh. A san um ngei a ti.

Hmunhnaw hai hi ei ram suk-tawp el chau ni loin ei hriseina sukse theitu, hri le hrai tam tak siem theitu a ni lein a sawngbawlna kawnga hin mipui han pawisa seng ei inhuom a tul. Ei chengna hmun a tawp le thienghlamma leia natna le hri le hrai ei invawi le natpui leia Doctor pan le inekawlna sum ei seng hi a tam lein, thienghlamma tiengpang ngaipawimaw inla, hi kawnga hin mipui le sungkio tinin hmunhnaw sawngbawlna ding tiengpangah ei kut rik naw sien. Thlatin bituk neiin, a bikin khawpui sunga cheng hai hin pawisa thawlawm inla, chuong sum ei dengkhawm hai hmang chun ei hmunhnaw hai hi sawngbawl nisien thil remchang tak a ni ring a um.

Thil thalo thupsawng thei a ni nawh ti ang deuin tulai lem chu ruo a hung sur a, nulla sunga hmunhnaw ei dehawn hai lampui haiah a hung len daw k a, ei khawpui sung lamlien hai chu mihriem cheng le inlawna tlak khawm a ni naw hih. Hiengang thil um loa, ei nulla hai faitak le khawpui sung fai runga a um theina ding chun hmunhnaw sawngbawlna dan mumal tak hi ei nei a pawimaw hle a nih. ADC/CCPur hnuoia Sanitary Truck chun hmunhnaw lakhawm hlak hai sienkhawm manpower le motor an indaitawknaw lein a ni ding angin an inthifai zonaw a nih. Hi thil hi sawrkar thaw ding chaw a ngai sung chun ei khawpui sung hi faian thienghlamma ngainaw nih. A thei lem chun Waste management tiengpang hi privatise thaw nisienla a hung hlawtling lem ring a umna chin a um bawh. Sawrkarin ram hmasawna dinga kawng tum tuma hma a lakna kawnga hin ei khawpui le hmun hai a thienghlamma theina dingin Waste Management/disposal tiengpang khawm hma nasa takin hung la seng nuom a um takzet.

**Editorial Board**  
**Lalmalsawm Sellate:** Editor & Publisher  
**Roding L. Sellate:** Jt. Editor  
**Ramditum @ Rama Ralsun:** Asst. Editor  
**Lalsansuok Pulamte & Samuel Zothanglien@SZ Zote:** Sports  
**Joseph Joute:** Freelance  
**Lalruotlien Dulien:** Computer Assistant  
*Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.*

**NUNGCHANG THA**  
(GOOD CHARACTER/A MAN OF GOOD CHARACTER)

EDUCATIONAL  
Psychology Section.

By:-Darliensung  
Rtd. Professor, Imphal



Mihriem a suk a tunga lawn taphawtin nunchang (character) chu ei nei senga. Chu nungchang chu khawlaia inthawkin hung pieng am a na ti chu lungril buonzawlah hei chai tum phawt ei ti. Mi lien, mi chin, mivar, mi varnaw, pasie annawleh Hausa khawm ni inla, ei hmu le ei hriet inthawk dam, ei thlatua inthawk dam, ei sungkuo le ei umna khawvelin tha an ti zawng le, a ruka ei mimal lungril lo buo em em, cham zing el, dettaka ei lungrila lo into nghet tah, ei chung a thuneitu nit a tlat el dam chu an nih nungchang hung intanna hai chu. Psychologist hai chun nungchang (character) hi mihriemin a piengpui (instinct), ching thang (habit le mani nuomzawng (will) anthawka hung suok niin an hril (Chaube 1999:1993). Iengpo khawn nisienla, nungchang chu chuonghaia inthawka hung insiemsuoka, mihriema dettaka hung inthingmit tlat chu a nih tia chun ei lungril buonzawlah tethluk tum phawt ei ti.

Nungchang chu a tha ei ti a uma, a thanaw ei ti khawm a um thei bawh, Chu nungchang chu chengna khawvel izirin a tha ei ti le ei tin aw khawm dang met met a ti. Sakhuo hran hran ha'n nungchangtha an tihai chu a'ndang el thei. Chun pawl, society le hnam hran hran ha'n nungchangtha ei ti le nungchang thanaw ei ti hai khawm a'n angnaw vieu el thei bawh. Hnam thenkhat le sakhuo thenkhat laia ringum em em el, iengkim tuor dinga inhuom, hnam dang le pawl danghai laia ruok chu khelhril, inruk le toolthat hai chen khawm pawisa lo le vervek taka um chu, a thangna pawla chu nungchangthaa ngai ani thei tlat. Amiruokchu hmun danga chu nungchangthaa ngai thei an nawh.

A thlangpuiin nunchang thalo ei tihai chu mi le inhal zing zing chingmi, zu le inruithe dang danghai chingmi khelhril hmang, mi theida zawng hril nuom tlat mi, mani hmasiel, ruk inruk chingmi, hlemhmang, mani ta dinga hlakna ding ani phawt chun a thiem lem khawm thiemnaw inchantir hlak mihai hi an nih. Chun, inlang mang silova nungchang thalo thangpui hai chu lungril sie em em el, itsikna le elrelna nei run el, vervek, lungrila theida neurin, mi sietna ding zawng zing el hai hi an nih. Chu baka, kohran le khawthlang nuna khawm, mihai buoi theina dinga pawlbik annawleh group bik siem chingmi, mani inlarna dinga vervek taka thil thaw hlak mi, kohran thahnemngai taka le thlaruumi ni awm taka sinthaw le, Sawmapakhat indik taka pe a, mihai mithmua nungchangtha niawm taka inlang, sungrii tienga ruok chu lungril thalo put, Pastor, Upa, Revival Thuoitu le Kohran member dang danghai khawm nungchang thalo an ni thei tho. Pharisai hai khawm kha puotieng dan le dun enna dawkana chu an fel khawpel. Sawmapakhat khawm Pudina chen an pek hlak lein a dang hai lem chu an pek that hle ring a um. Khel hril ngailo inlang, uire ngailo, toolthat ngailo, inkhawm taima em em, sakhaw ngaisak hmelput, dawrhmun chena khawm chibai buk hlak, lamthuoma chen khawm inzak inphak dawnloa tawngtai hlak, thataka chawlai inser hlak, thupek anga sertan indiktak mi an nih. An hmel le puotieng mizie en ringawt chun nungchang thatak nei mi niin an lang. Amiruokchu hmangaina dana chu nungchang thanaw tawpkhaw, lung nalvar, a sunga mithi ru-a sip ang chau an nih. Zawlnei Amos lem chun, nipiui thei bawm, a puotieng sehnlur, inhnik awm em em, a sungtieng ruok chu phaivang le thilhringa sip ang an nina san chu, thikna lungril put ran, vervek taka rawngbawl, biekina sum le pahai khawm sukhlulaw fawma ni pasie le rimsie hai neksawma le hlepukna dinga hmang hlak, biekien chu inelrelna hmuna hmang hlak an nih. Hmangaina dawkana chun an tlingnaw cham cham ngei

Nungchang thalo hai khawm insirna hun remchang tak an hmu naw chun, an nungchang chu alo inphum det tak lein, eselna ngawt ngaituona le mi esel thiem vieu hai chun chu nungchang chu tar hnung le thi tawm chen khawmin an sein ngar el a nih. Dumak khawm khan kraws lera a thi tawm chen khawmin insirna nei chuong lovin eselna thu a la saksuok ta rawp ani kha. An nungchang verveka lo in phum det tah, a thiem lem thiemnaw inchantir hlakhai lungril tawkchang thei khawp thilthung a um naw chun, an thi chen khawm kha nungchang kha an put ngar el a nih. Chulein, nungchang chu mimal lungrila into tlat, a nuomma le a'nhnikna intuokrema inthlungkhawm tlat chu a nih.

A hmasa tienga ei lo sepnawi ta ang khan. Nungchang tha (good character) tieng chu ei lungril ngaituona buonzawlah hei chai nawk ei ti. Thil chu ei sawinawi rak leh ngaituona thar a hung suok thei hlak. Nungchangtha chun khawvel a sukhning theia, thiltha thaw dingin lampui tha le zalenna a siem thei. Chu nungchangtha kawltuhai chu mihaiin an ngaina hlak.

Mi thenkhat hai chu to tawka um hlak, a sie a tha khawm hril chuonglo. a'ndik a'ndiknaw khawm thlur chuonglo, a thiemlem khawm thiem inchantir dinga hril chunglo chengna vela mihaiin nungchang tha ani el hlak a nih. Amiruokchu nungchang tha ei ti tlangpui deu chu um a ti. A bi thiek kher lo khawmin, a tlangpuiin, ruk inru ngailo, mi hlem zen zen lo, insumthei, mi biekdan tawk thiem, a hun taka inzaknaw thei, hmangaina nei mi, mi le inhal zen zen lo, dawthei, ngilnei, zaidam, taima, thahnemngai, inruithe chinglo le, vangneina lampui hraw theilo khawpa thuoisuol theitu zu le gambling hai laka inveng thei mi hai chu nungchang tha ei ti deu tlangpui. Psychologist hai chun, mi nungchangtha chu a thilthaw reng reng a'ndik le diknaw, a thiem le thiemnaw ngaituo zing puimin, titan le ditsak bik nei der lova thudik tannin, a lungril robawma inthawkin thudik a hrilsuoka, thilt ha a thaw hlak (Chaube 1999:1993).

Ei zuk hril ta ang chun, nungchangtha chu lungril robawma into nghet tlat, a hun izira puongsuok annawleh phursuok dinga inhnikna nei tlat el chu a nih. Mi lungril tha chun a lungril robawma inthawkin thilttha a hung hrilsuok jlaka. Mi dawlna thur hai chun invet angin ngai hlak hai sienlakhawm pawisa a ti ngai chuong nawh. Chuong ang bawkin, lungril suol neimi chun a lungril robawm inthawkin thil thanaw a phawrsuok hlak. Lungril robawm tha neimi chu, rimsie le neksawra

um, mani indikna le thiemna thu khawm hril theilo hai ta dinga inhnemna le thlamuonngna niin, chuong mihai ta ding chun ngaiant a um em em hlak a nih.

Lungril robawm tha nei, nungchangtha mizie pahni pathum ringawt khawmin khawvel a sukhning luoi luoi thei. Mi pakhat ringawt khawmin ram le mipui a sukdanglam vawng thei anih. Africa rama midumhai mankhawma um, sumdawngna hlak taka hmang, kum tamtak sung, chuonga Europe ram le America a sal le suoka lo umhai kha an thiemna thu khawm hril theilovin, an puhan an na an verpeka, an nuom phaleh an vuoka, ran angin an sawisak hlak. Chuonga suok ringkawlna inbat zing el hai chunsantu an ngaia, beisei ding iengkhawm an nei nawh. A sawrtuhai ta ding ruok chun suok hei ban el chu thil theilo ang tluk a nih, a san chu an hlakpuiin, an sin tul pop o thawtu an ni si a. Chuongang insirdena rapthlak, inhmusitna, insawisakna le inthlirhranna umlai tak chun, kum 1861 khan, lungril robawm tha, hmangaina le lunginsietna nei, thudik tan ngam, thlierbik neilo, nungchangtha mi pakhat, a hming Abraham Lincoln, fethlengin saltang suokna dar a hung inri ta a. Salhai chu lungriem ithlak an uma. Thil tling thei ding khawma an ring phak lo, a taka zalenna hung tlung el chu mak tiin an hril tawp theinaw hiel a nih. Chulein nungchangtha nei mi pakhat cho khawma America chau ni lovin, khawvel pumpui a sukhning thei a nih.

Ram pakhatannawleh hnam pakhat sunga khawm hin nungchangtha pakhat khawm lo um tan aw hai sien, chu ram annawleh hnam chu ngirsuok ngai naw nih. Ei hnam le ei ram sunga khawm hin, nungchangtha mizie thenkhat nei pahni-pathum an la um leia la ngir mei mei ning a ti. Ani chu anih, ani naw chu a ni nawh tia kheksuoka inkhawkpui iengzam ei la um aw? Lungril tha neimi chun mi lungrilah hnea a chang hlak.

Nungchang tha le thanaw ei hril ta sa hai kha ngaituo pumin, nungchang th ha umzie le mizie chu lungril sungriehai sawrkhawm ei ti. Nungchangtha umzie le mizie chu lungril sungriehai sawrkhawm ei ti. Nungchangtha chu a nun a'nema, zawrna thu a hril ngai nawh. A dawtheia, felnawna a lawm nawh. Thangpui ngaihahi a thangpui nuom zing hlak. A biek a'nhwai a, lunginsietna a hau. Thudik a tan tlat hlak a, thlierbik a nei ngai nawh. Mi sietna a zawng ngai nawh. A thiem lem thiemnaw a'ngantir ngai nawh. Inrem a nuoma, hrietpuitu tehlemin a thang ngai nawh. Thilttha thawhai a lawmpui hlaka, elrelna a nei ngai nawh. A lungril takin taphai a tawpui hlak. Mi ta dinga malsawmna ni a nuom hlak. Verveka, itsikna le eselna lungril a put ngai nawh a. Dawha thur a nei ngai bawh nawh. Mi rimi le hnengdea umhai a hmangai hlak. Ritlona lampui a hraw ngai naw a. A thiemlem thiem inchantirna ding chun a titan a nei ngai nawh. Ringumna le insumthei neiin thutak chu a lawmpui hlak.

Nungchangtha thlarau chu mi lungril ngaituona suol bulpui le theidana tinreng insungkhawm thiekdarna chu a nih. Ama theidathu hai lungril chu thieka, lungril insirtira, mithlii tha puma ama tienga hung ngha nawka inumtir theitu chu nungchangtha thlarau chu a nih.

*Aw Nungchangtha mawina chun boruok a fang vela, Phairuom le tlangin a hrut vel.*

*Hnamtin chitlin lai hin hlimna le thlamuonngna I'ntluna.*

*A thiemlem hai thiem I' nchangtira,*

*Neksawra umhai, fahrahai, riengvaihai le*

*Mi ihmusitahi hmetu chu I nih.*

*Mi hrat khawm chu hrat hle sienkhawm*

*I thlarau a thangnaw chun,*

*Ram le hnam ta dinga sietna inltuntu ni el a ti.*

*Hmeltha khawm I thlarau a thangnaw chun,*

*Vawkpui hnara rangkachak inhlietir ang chau ning a ti.*

*Nungchang thata a thangnaw chun,*

*Mi chu a hausa po leh,*

*Thenum, khawtlang le hnam ta dinga*

*Phurrik siemtu chau ani lem.*

*Roreltu khawm chu,*

*Nungchangtha thlarau a chungah a chuonngaw chun*

*Mipuihai chu kakak an ti.*

*Aw nungchangtha, kawthler I fangvel lai khan*

*Mi'n an thlir thup che a;*

*I hmelah ngilneina, hmangaina le*

*Thuhnuoirawlna a uma.*

*Kawtlera buoinaah, a thiemlem hai,*

*Thangpuitu neilo leia leia hmusit taka*

*Mihan thiemlo changlem ni awm taka*

*An sawsak lai khawma,*

*"Ama kha a thiemlem ani kha" tia*

*Rawl lo insuotu,*

*An thla va huol hlaktu chu I nih.*

*Lungril taka taphai tawp pua,*

*Lawmhai lawmpuitu chu I nih.*

REFERENCE:

1- Chaube, Dr. S.P. Educational Psychology. Agra: Lakshmi Narayan Agarwal Educational Publishers, 1999

**MU Eimi Student hai inthlaliem**

CCPUR: Tlangram tienga Veng, Bungmual a inthawk an suok. Tour a fe ding hai Tour a hin Siamsin Siamsin (MU) a kai Eimi hi hun tawite hmangpui an Laizom member 23 hai ni a, Langkhanpau Guite, hi Pick-up Truck pakhat a Siamsin Laizoms pawl Chairman, ADCC chun chu zani zingkar 7AM khan Tour fe ding hai infuina hi April 8, 2017 chen aw SSPP Complex, Siloam thu a hril zoin tawngtainain ding a ni a, hi hun sung hin

Thanlon, Bukpi, Sinsawl, Songtal le Mualnuam school hai sirin student hai inlawpuina an nei ding bawh Career Guidance neipui a ti.

**SBI associate Banks thawktu VRS ngentu 2,800 chau an la um**

MUMBAI: State bank of India hnuoia associate banks thawktu Voluntary retirement Scheme (VRS) hni thei 12,000 um hai lai tuchena hin mi 2,800 chauin VRS an la ngen tiin SBI Chairman Arundhati Bhattacharya chun zankhan a hril. SBI hnuoia hin State Bank of Bakener and Jaipur (SBBJ), State Bank of Hyderabad (SBH), State Bank of Mysore (SBM), State Bank of Patiala (SBP) le State Bank of Travancore (SBT) le April 1 a inthawk SBI a merge Bharatiya Mahila Bank (BMB) hai an um a, VRS ngen theina hi April 5, 2017 chen hun hawng a la nih tiin Bhattacharya chun a hril.

VRS hni thei ding hai chu kum 20 chuong lo thawk ta le kum 55 chen tling ta hai an nih. Merger hnun-gin tuchena hin SBI chun thawktu 2,70,011 a nei a, hi lai hin associate banks le BMB thawktu 69,191 hai an thangs.

**Churachandpur Weather Forecast: April 4, 2017 (TUE)**

TUE MORNING	TUE AFTERNOON	TUE EVENING	TUE OVERNIGHT
Risk of thunderstorms	Risk of thunderstorms	Mainly cloudy	Mainly cloudy
<b>20°C</b>	<b>23°C</b>	<b>18°C</b>	<b>16°C</b>
Feels like: 20	Feels like: 24	Feels like: 18	Feels like: 16
POP: 70%	POP: 70%	POP: 30%	POP: 30%
Rain: <1 mm	Rain: ~1 mm	Rain: -	Rain: -
Wind: 5 km/h SW	Wind: 10 km/h W	Wind: 5 km/h SW	Wind: 5 km/h SW
Wind gust: 11 km/h	Wind gust: 14 km/h	Wind gust: 5 km/h	Wind gust: 6 km/h
Humidity: 87%	Humidity: 89%	Humidity: 94%	Humidity: 98%

**Bemung Office sawn**

CCPUR: Kum 2 vel liemtaa inthawk Israel Hnam Run building, Salem Veng-a room hluoa um Bemung Consultancy Services chu remchang lem ding ngaituona lein Tons Villa, College Veng, New Lamka tieng sawn a nitah. Bemung Consultancy Services hi NGOs le mimal tum tum project ziepkek hlaktu niin tuchen hin a la sunzawng zing a nih. Project ziek ding nei mimal le NGO hai ta dingin an Office thar tieng hi pan ta ding a nih.

ALL INDIA RADIO: CHURACHANDPUR PROGRAMME		
Date: April 04, 2017 (Thawleni)		
TRANSMISSION- FM-101.4 Megahertz		
Hours	Studio/CR/P	Programme
5.23pm	CR/P	Signature
5.25pm	CR/P	Vande Mataram, Time Reading, Opening Announcement & Mangal Dhvani
5.30pm	P	PAITE Prog. Sig. Tune & Announcement Announcer: Ciniakhsang 1) H. Tuanzakham & party 2) Talk: "Youth & Success" by Kamthianlal Valte
6.00pm	P	HMAR Prog., sig. Tune & Announcement Announcer: David Traite 1) Hmarveng HYA Branch (trad) 2) Damkung & party (trad)
6.30pm	P	THADOU Prog., sig. Tune & Announcement Announcer: Seilienmang 1) Paotalmuon Haokip & party (dev)
7.00PM	P	Farm & Home: Hmar 1) NPT Choir (dev) 2) Talk: Thingpui dawrite fakhmuna lampui tha- by Lalchawimaw

The Weather Network

LAKTAWI

Sipai pakhat bag sun-gah Grenades 2 dapdak

SRINAGAR: Zanikhan Jammu and Kashmir-a Srinagar International Airport-a X-ray screening thaw hunah Delhi pan tum sipai pakhat bag sunga inthawk Hand Grenades 2 hmuosok a nih. Hi le inzawm hin Airport security hai chun a bag neitu army personnel hi gate puoah an man a, thu indawn dingin Police station tieng thuoi a nih.

Mana um sipai hi Gopal Mukhiya of Darjeeling, West Bengal a ni a, 17 JAK Rifles a um, Jammu and Kashmir Uri Sector-a Line of control a posting mek a nih. An officer Major Sahib in Delhi chena dinga an phurtir a ni thu a hril a, sienkhawm Police chun an ringhla lein an suizui mek a nih.

J&K-ah mimkei tlung lein mi 3 an thi

JAMMU: Jammu and Kashmir-a Doda le Kishtwar highway a chun zanikhan mimkei tlung lein nuhmeite pakhat thangin mi 3 in thina an tuok a, midang 7 an hliem. Tuta hmaa mimkei tlung leia temporary-a leilak dawa um an hraw lai mek mimkei hung um thut leia hi thil hi tlung a nih. Mi 2 hai chu a hmuna an thi nghal a, nuhmei naupang chu hospital panpui a ni hnungta thi a nih. Hliem dang hai khawm Hospital-a admit an nih tiin Kistwar district SSP Sandeep Wanzir chun a hril.

BSF han Heroin kg. 5 an man

AMRITSAR: Zanikhan BSF han India le Pakisran ramri a Daoke village-ah inruithe Heroin kg. 5 zet dapdawkin an man. Heroin hi Pakistan-a inthawk India rama hung phurlut an nih tiin BSF thusuok chun a hril. Heroin hai hi bottle sunga thun an nih.

Pasal zuruiin a naupa a del hlum

COIMBATORE: Thol-ampalayam village-a chun Posal kum 23 mi Vinod an ti chun a zuruiin a nuhmei Kavitha leh an inselbuoi lein a naupa thla 3 mi chau Rithik pawma fehmangpui a tumnaah a naute pawm hi a tlukupi a, Rithik hi natka a hliem lein Hospital panpui a ni a, sienkhawm damzo lovin a thi.

Colombia chir in-tawl leia thina tuok 250 an chuong tah



MOCOJA: Colombia rama ruosur nasat leia vadung tui hai nasa taka an liensang leia mimkei le chirhak in-tawl rapthlak takel tlung leia mihriem thina tuok chu 254 an tling tah niin ei thu dawngna chun a hril a, thina tuok hai lai hin naupang 43 an thangs. President Juan Manuel Santos chu hi thil tlungna hmuna hin a taksa ngei fein a mit ngeiin thil umdan a va enfel ta a, mithi hi tuta nek hin an la hung tam el thei thu Mr Santos chun a hril. Sansuokna sin thawtu hai khawmin an sin an sunzawm zing a, mithiurong zawngna le sansuokna sin ngawr takin an thaw zing.

Helpawl han CRPF Convoy a kap, Jawan 1 a thi

NEW DELHI: Zankhan Srinagar-a Panth Chowk hmuna CRPF convoy motor civil mihai chuon-ga chu helpawl ni dinga ring silai chawi han an kap a, 97 battalion CRPF a jawan pakhatin thina a tuok bakah nuhmeite kum 10 mi thangin civil mi 2 le CRPF jawan 3 han hliem-na an tuok. Hliemna tuok CRPF jawan pahni hai chu

an hliem inrik hle a hril a nih.

CRPF Convoy motor hi election duty dinga Jammu-a inthawk Srinagar pana fe a nih. CRPF han an motor lo kaptu hai hi an kaplet ve lein ramnuoi tieng an inreilmang vavng.

Jammu and Kashmir a hin April 9, 2017 khin Lok Sabha byelection um ding a nih.

RBI Dy. Governor in charge a lak

MUMBAI: Mr B. Kanungo chun zanikhan Deputy Governor, Reserve Bank of India charge lain a sin ding a chel tan. A term hi kum 3 sung ding a nih. Mr Kanungo hi March 11, 2017 a kha sawrkarin RBI DyI Governors 4 um hai laia pakhat R. Gandhi

thlaktlengtu dinga RBI Dy. Governor dinga a ruot a nih.

Kanungo (57) hi kum 1982 khan RBI-a lut tan niin foreign Exchange management dang a department dang dang lo chel ta a nih tiin central bank thusuok chun a hril.

Meghalaya le Mizoram le Assam haia khawm tli le ruo in nundan pangngai a sukbuoi; Assam-ah mi 2 in thina an tuok tah



SHILLONG/AIZAWL: Tulaia inzawm zuta ruo le thli inthua a sur le hrang lein Meghalaya le Mizoram state haia khawm nundan pangngai nasa takin a sukbuoi bakah In tam tak a suksiet ta bakah Assam-a chun mi 2 in than an tuok tah.

hluo thei ta lo ding khawpin a suksiet nia hril a nih.

Assam State a chun Pathienni-a inthawk thli, ruo le riel inthua a hrang le sur lein Cachar district huop sungah mi 2 in thina an tuok ta bakah Cachar le Dima Hasao district haiah mi pakhat ve ve an umna chin hriet lovin an inhmang a, In 637 zet a suksiet ta bakaw. Chun, Haflong le Guwahati Highway khawm mimkei nasa tak a tlung lein motor lien hai chu hi lampuia an inflawn khap hri niin ei thu dangna chun a hril. Har-satna tuortu hai umna dingin Karimganj district-ah relief camps pahni hawng a nih. Thi, ruo le Riel in a nuoi nasat deuna hmuna hai chu -Barpeta, Bongaigaon, Cachar, Dima Hasao, Goalpara, Golaghat, Hailakandi, Kamrup Rural, Karimganj le Majuli district hai an niin Assam Staet Disaster Management Authority CEO P.K. Tiwary chun a hril.

ISIS hai hrentang India mi 33 sansuok an nih

NEW DELHI: Iraq rama ISIS han Erbil hmuna India mi an man le hrentang 33 hai chu India sawrkarin a sansuok

a, India ram tieng thuoi- kir an nitah. Hieng mi 33 hai hi Iraq rama sin pek ding tia hlem le thuoi an nih.

President Trump-in North Korea dang a tum

WASHINGTON: US President Donald Trump chun tulaia North Korea hung lien pei le inhrosakna chimum tak hi China-in hma lak a tum nawa a dang (sukdei) thei naw ding a nih chun ama'n a dang (sukdei) ding niin a hril. The Financial Times le interview an neiaa chun, "China'n North Korea a dang thei naw ding chun, keini'n dang kan tih. Chu po chu hril ka ti cheu" tiin a hril.



Hienglai zing hin interview dangah, US chun North Korea chu US ta dinga tiumtak niin a ngai niin Dy National Security adviser McFarland chun a hril. "President Trump a term hmasataktawp chen (2020) ah chu North Korea hin US hi 'nuclear armed missile' in a hung kap phak tak tak el thei a tah" tiin North Korea nuclear ralthuom inthang pei le inzawmin a hril.

Chinae President chu inremna siempui thei an ring am tia indawna chu, "China le Xi hi ka ngaisang a. Rambang pahnhai ta dinga tha ve ve thil kan thaw thei chun mak ti nawng ka tih, ka beisei a nih" tiin a hril. Ni hni inbiekna dinga hin North Korea thu hriltlang a tum a. "China hin North Korea chungah influence nasatak a nei a. North Korea thuah China-pui a mi thangpui ding le ding naw a chieng ka ring" tiin a hril a. Sumdawngna thil vawng a nih lein an

thangpui thei ding a ni chun sumdawngna thatak (trade deal) siempok a tum niin a hril baw. "It is all about trade" tiin. China le sumdawngna kawngah US chu 'fair lo' taka thaw niin a hril a. Sumdawngna chelek vel dan le hemkawi dan chu China chu thientak el, US sawrk'ar han an thluk naw niin a hril. Tuta tum chu first time ding a ni lein fimkhuw metin Xi an lan biekpui ding niin a hril baw. "Currency manipulation le market devaluation thua chu China chu world

tumin theitawpin hma a lak a, Prime Minister Narendra Modi chun ei rama Corruption sukbo tumin theitawpin hma a lak a, BJP chun election huna mipui hai kuoma thaw dinga an tiemna hai sukputitling ngei a tum baw a nih tiin Mr Naidu chun a hril.

BJP sawrkarin sakhuo tukhawm tan bik nei ngainaw nih: Naidu



VIJAYAWADA: Union Information and Broadcasting Minister M. Venkaiah Naidu chun, Centre-a BJP sawrk'ar chun ieng sakhuo khawm thlawpin tanbik nei ngainaw ni a, BJP chun sakhuo popo angkhatin a enkawl vavng a nih tiin Vijayawada hmuna party worker hai hmaa thu a hril-naah a hril.

BJP chu tulai hnaia states 5 haia Assembly Election neina haia khan a performance a tha hle a, BJP in kum 3 sawrkarna an chel sungin corruption leia intumna lientham iengkhawm a la tuok naw a, BJP sawrk'ar chun sawrkarna an hung siema inthawk good governance (ram insawrkarna tha) siem

State Reorganisation Act dungzuaia Andhra Pradesh kuoma fund pek dinga thuiem a lo neita khawm sawrk'ar thlungpui chun a sukputitling ngei ding thu hrilin, insawrkarna tha ei rama a hung um theina ding, retheina sukbo le economics-a ngrhnum inthlau takel sukkieng a ni theina dingin ei ram hin Narendra Modi PM nina hnuoia sawrk'ar kum 10 bek a mamaw a nih tiin Mr Naidu chun a hil baw.

BSF han India le Bangladesh ramriah Pawisa note tam tak an man

KOLKATA: BSF patrolling-a fe hai chun zanikhan West Bengal-a Indo-Bangladesh International Border (IB) lai hmuna hnan hnan pahni haia inthawk Rs. 2000 note lem Rs. 3 lakh chuong ding zet dapdawkin an man.

vela Churiantpur area IB dai gate bula an dapdawk a ni a, a dang hai chu Murshidabad district-a Farakka area hmuna pasal pakhat R.K. Mondal (31) kuta inthawka an dapdawk a ni a, hi hmuna pawisa note lem an dapdawk hi Rs. 2000 notes vavng 50 a nih. A kuta inthawk hin pawisa tak Rs. 1,350 bakah Mobile

phone, Aadhar Card le Driving Licence an mansa baw.

Hieng hai le hin BSF han tukum sunga ramri-a India pawisa note lem an man chu rs. 6.96 lakh a tling tah. Kum 2016 khan BSF a South Bengal Frontier (border districts 5 huomsungah) India pawisa lem Rs. 1.47 crore anghu le mi 19 an man a nih.

Russia rama bomb puokah mi 10 an thi

ST. PETERSBURG: Zanieng khan Russia rama St. Petersburg hmuna train subway hmuna bomb hrat takel a puok a, mi 10 an thi bakah midang 50 chuongin hliemna an tuok niin St. Petersburg governor spokesman chun a hril. Russia President Vladimir Putin in St. Petersburg a va sir huna bomb hi puok a nih.



Investigators hai chun terrorist hai kuthnung a ni le ninaw suizaina an nei mek a, Mr Putin chun hi bomb puoka thina tuok sungkuo hai a sunpui tu a puong.

zantieng 2:20 vel kha a ni a, Technology Institute station a inthawk Sennaya square station pan ding Rel a zuk zuok laia bomb hi puok niin

Russia National Anti-Terrorist Committee thusuok chun a hril. Bomb puok lei hin St. Petersburg sub-way chu khar nghal a nih.

V.K. Singh in SA ah project pahni a hawng ding

JOHANNESBURG: Minister of External Affairs General V.K. Singh chu April 7-10, 2017 inkar sung khin official thilin South Africa ramah inzin a ta, India sawrk'ar thangpui-naa thaw welfare projects pahni hawng a tih.



Hieng project pahni hawng ding hai hi Prime Minister Narendra Modi in nikum June thlaa kha hawng ding a lo puong tasa an ni a, Mr V.K. Singh hin April 8, 2017 khin a

cham sungin Mr Singh chun tuta hmaa Mahatma Gandhi lo umna hlak, tuta museum-hotel a inlethit tah a sir ding bakah Gandhi le Nelson Mandela hai jail lo intangna Old Fort Prison, tuta Constitutional Hill tia inbuk tah khawm sir a ta, Nelson Mandela le India PM hluu HD Deve Gowda han New Delhi hmuna Red Fort Declaration an lo ziek champha vavi 20na le inzawma Pretoria hmuna concert uop a tih.

INHMUN ZAWR

Rengkai Muolhlum, VET sak lai Inhmun tha takel zawr a ni a. A dit hai chun a hnuoia contact number-a hin ngaiven thei ning a tih.

Contact No. 7085481042

Aadhar le Driving licence hmu

Wallet, a sunga Driving licence le Aadhar Card umna hmu a ni a, Card a hin Mr Changlin, Saikawt ti an ziek a, contact number a umnaw lein a neitu chun a hnuoia Mobile number ziekklanga hin kanchieng le lak thei ning a tih. A neitu chun Chanchinbua thu insuo man a pek tul a tih.

Contact Number 8732020854

UI A NEITU HRIETLO MAN

Kar hmasa khan Ui a neitu hrietlo kan Inah a hung lut a, suok loin a la um zing lein Ui sukhmang hai chun a hnuoia contact number-a hin indawnchieng le Ui umdan indik taka hrilin April 6, 2017 chenin lakkir thei ning a tih. Hun tiem pel hnunga chun sukriral a ni khawmin thu buoi siem thei ni tanaw nih. Ui neitu chun Chanchinbua thu insuo man le Ui enkawl man a pek tul a tih.

Contact Number: 997182080879

Pakistan in Ceasefire a bawsiet nawk

JAMMU: Pakistan chun zanikhan Jammu and Kashmir-a Poonch le Rajouri district haia Line of Control ah ceasefire bawsiein India ram teng silai a hung kap nawk niin Defence Spokesman chun a hril. Hi lai hmuna hin April 1, 2017 khan IED a

puok lein Junior Commissioned Officer (JCO) Naib Subedar S. Sanayaima Kom in thina a lo tuok ta a nih. March, 2017 thla sung khan Pakistan chun LoC-a Poonch area-a hin ceasefire bawsie in vavi 4 lai zet a lo hung kap ta baw a nih.

BSF han Pakistan lawng an man

FEROZPUR: Border Security Forces han zanikhan Pakistan Ngamantu hai Lawng 2 le an Nga man kg. 400 vel zet ding le an Nga manna Len hail eh an man.

BSF han Sutlej vadung le a sevela patrolling an thaw huna an hmu a ni a, Lawng-a chuong hai chu tuia inchwamltain Pakistan ram tieng an inhliekau niin BSF thusuok chun a hril.

Australia PM Malcolm Turnbull India ramah a hung inzin ding

MELBOURNE: Australian Prime Minister Malcolm Turnbull chu official thilah kar thar khin India ram a hung inzin el thei hril a nih.



Mr Turnbull hi nikuma China rama G-20 Summit nei huna Prime Minister Narendra Modi in India ram hung inzin dinga lo fiel tasa hrim a ni a, Turnbull hi 'Australia India Skills Mission' inrawitu Education and Training minister Simon Birmingham bakah education experts team in an hung zui ding a nih.

India ram a cham sungin sector hnan hnan Trade, Defence, education le skill sector tiengpanga thawtlangna thalem a um thei dan ding ram thuoiu hai leh an hriltlang ring a nih.

Ecuador ruling party candidate Moreno tinga puong



QUITO: Pathienni-a Ecuador Presidential election a chun sawrkarna siemtu Lenin Moreno chu tinga puong a nih. Sienkhawm an khingpui conservative banker Guillermo Lasso chun thil indiko uma intumin hneban a ni thu a la pawm nuom nawh. Ecuador presidential election chungthua hin protest nasa tak a um baw a nih. Votes 94 percent puong zo taah Moreno hin 51 percent a

hmu ta a, Lasso in 49 percent a hmu ta niin National Electoral council chun a hril.

Lasso thlawptu mi sangtel hai chun election result hi nasa taka dodalin protest an nei a, Quito hmuna electoral council headquarters office lutna hmuna haiah fekhawmin office sung lutchil an tum a, sienkhawm Police han an dang lein nasa takin an in-nawrtuo.

A student hai cycle inchwakna dingin dollar \$80,000

NORTH CHARLESTON: South Carolina hmuna school teacher pakhat Katie Blomquist chun a thawkna school-a students 650 hai hmang dinga cycle inchwakna dingin fundraising a thawnaah dollar 80,000 chuong zet a hmuadaw.

fundraising hi nikuma Labor Day a inthawka kha a thaw tan a ni a, a tan hlim chun dollar 65,000 vel hmu dinga inbeisei a ni a, sienkhawm a beisei neka tam dai a hmuadaw a nih. A student thenkhat han an school kaina dingin cycle/bike an dit a, sienkhawm an sung han an inchwakpek zonaw thu a kuoma an hril leia hiengawng fundraising hi a huoihawt nia hril a nih.

Katie Blomquist hi Pepperhill Elementary school, North Charleston hmuna thawk a ni a, hi thila dinga

Lady Diana, Lungril Natna Riktak Nei

LONDON: A thi a inthawka kum 20 hnung chen khawma mi tamtakin suknawmmat le thanaw taka enkawl anga an la ngai, Britain lal sungkuo le abikin a pasal Prince Charles- in ngaizawng a neisan leia nun inhawi lo tak le beidawngtaka um, a tawpah thinain a man, nu vangduoi tak anga ngai The People's Princess ti hiel Lady Diana chun lungrila natna riktak le det lo (extreme symptoms of mental instability) a nei niin, Journalist Andrew Morton kuomah ama ngeiin a lo hril niin Daily Mail Online chun a zieck.



McGlashan a kawkhmu a. Dr Alan McGlashan hmu a nuom lei chun an lawm hle a. Anachu, wawi riet chau an hmuipuii a tawpsan nawk a. Dr McGlashan chun an nu (Diana) lungril natna leia mani umdan hrie thiem tah lo Prince Charles nundan pangai a aw theina dingin kum 14 zet a enkawl pha tah lem a nih. Lady Diana kha a in thei ngai naw leiin Valium (inna damdawi) chenin an prescribe hlak a nih.

"Lungril natna bulima, self-mutilation, depression le acute anxiety hai an nei a. Vawi nga vel mani inthah a tum a, lungrila buoina chi khat (paranoia) a nei ti a chieng a nih. Chubakah, Diana kha ruoka inhrietna le ngaisak lova inghaina a nei a; thlathlam ni ding titna a nei a, inlaichinna sukthat zing harsa tina a nei a, ama hnaitaktuhai khawm kha a mood swing le lungsen hrang thut le to tawka uksuk lova umsannahiin

a sukbeidawng hlak a nih" tiin a zieck bawk. Lady Diana ta dinga vangduoi thlak le pawl tak chu, a laina hnai, sung le kuo le ama hmangaituhai a inthawka thurawn a lak nuom nawna kha a ni a. A sunglehai khawmin lungrila natna riktak a nei treatment thaw dinga an ngaisak tawk nawna kha a nih. A sietna tak chu sungril tieng dangcharna re theinaw neia, hrietsuom le lungrila tam dangchara a um zing zingna kha a nih" tiin Dr McGlashan chun a hril bawk.

Hieng bakka hin Lady Diana le Charles kar thu le an insung chanchin ring phak bak le hriet phak lo tamtak, lungsietum le thlasiet um tak tak, an lang anga ni vangwo lo tamtak a um niin Royal Family biographer chun a ziecklang bawk a. Charles le Diana han, record ding le record lo dinga an hril thu tamtak khawm a la um niin a hril bawk.

Diana?" ti le, "Suktapna ding chein iem ka hril tah leh?" a ti deu ran el a nih.

Camilla Parker Bowles leh an ngaizawng ta naw a. An innei hma thil a ni leiin theinghil dinga hrila a thlem dam tum khawmin a lung a sen zing a. A

lungril sahal tuong suok chu lawngaina a hriet naw leiin a ruolpa philosopher Lauren van de Post (74) chu enkawl dingin Scotland a inthawkin a ruoi a. Lauren khawmin thei tawp a suoa chu a lawngaina a hriet chuong naw leiin Dr Alan

Stella Maxwell, "Model Of The Year" Inhlân

LOS ANGELES: Los Angeles fashion khawvela chu a ropuitaka hriet le mitin iai, Fashion Los Angeles Awards 2017 chu Pathienni khan Sunset Tower Hotel, West Hollywood ah nei a nih. Victoria Secret model, kum 27 mi Belgium nunghak, model Stella Maxwell chu "Model of the Year" nina pekin chawimawina Award inhlân a nih.



Tulai hnaia Hollywood star inlâr le nunghak hmêltha Kristen Stewart leh an ngaizawng leia chanchin hau em em, Stella Maxwell hin a ruolnu Lily Aldridge leh function hi an hung uop a. An incheidan nal danglam tak le an dress dum vangng, sexy tak, tle sar sar, taksa piengzie thup si lo figure suklang tawk char chun mit an lak hle.

Stella chun hnuoi phit gown dum (formfitting sequined gown) a taksa le inffit tawk char ding a hak a. Mermaid cut, Ngami anga thui chun chun a hnungzang le hmatiang pum nalna po po a suklang vangng a. A sam eng thal mit meng sexy deu leh Mermaid sexy deuh a hawi em em. Lily Aldridge khawmin Mermaid ang gown infuluo dum, a kar inawnga taksa hmu tlang thei, dar po inlang vangng a hak a, kawppui chi khat an ang hle.

British-US model Lily Aldridge (31) zakuo hak, (high-neck ruffling gown) hi rulpui zie angin a awm lai po a um a, hnuoi phit dura infuluo 'stripes' le 'metallic' inawp, inphan hmu tlang theiin a ke nal zie a thup

naw bawk a. An pahnia inkuo-zui puma red-carpet an hung hraw chun mit an suktalai hle. Tu kuma Fashion Los Angeles Award hi a wavi thumna a nih tah a. Sponsored-tu chu Mabelleine, Revolve Clothing, Moroccan Oil le LIFEWTR hai an nih. Host inlâr Nick Jonas-in a host a. Celebrity Kim Kardashian, Nicki Minaj, Mila Kunis, etc hai khawm an t hang a. Yolanda Hadid (Bella Hadid le Gigi Hadid hai nu) chu Mom of the Year-a puong a nih a. Emerging Talent ah Michael Jackson a naanu model lut thar Paris Jackson puong a nih a. Designer hai laia Stylist tak ah chu Samantha McMillen thlang a nih bawk.

Adele-in In Hluitak \$4 Million-in An Chaw

LONDON: Kum 28 chauva millionaire kai, a hlasakthiem leia \$85 million Pound hlutna nei Adele chun in ropui tak tak inchawin London-a milarhai umna hmun Primrose Hill ah um thei sienkhawm, a pasal Etonian mi u tak le an naupa kum 4 mi tulai tak le umna dingin middle-class hai umna West Sussex, East Grinstead laia tuolzawl inhawi deu In pakhat chu \$4 million-in an chaw.

Stone le mi thenkhat fiela British nuhmei indiktak anga nu deuva insung enkawla fak le dawn siem vel a nih. A in inchwak hin bedroom pariet bakah, compound sungah in dang guest cottage pathum, tennis lawn, tree-house le field zawl zautak a nei vangng a. Naupang inhnelna ding chun a lien hle.

World Tour a nei zo khan hlasaka inzin nawk chu a tum ta naw thu a hril a. Tuchen Grammy award a dawng chena album pathum haia inthawka a pawisa lam suok chu \$58 million a nih tah a, huntawka a ti ta tho ning a ti. British mi kum 30 hnuoi hausu list, Sunday Time's Rich List-a thang phak a nih.



"Rolling In The Deep" le "Hello" singer hin khawpui sung mi tamna lai nekîn tlangram (country side) mi rena hmun le thawveng, boruok fim le hring, risie um nawna, ruolhai le fire-place ah mei inhawi taka awia tukhawma an sukbuoi thei nawna ding hmun, naupang inhnel theina ding, acre 48-a lien, bed room pariet nei hi a thlang tah lem a nih. Adele umna ding hmun hi khawpui nun hre naw tak chu ni tah veng an ti. An tuolbawm dinghai nupui tam lem chun Adele hi tum a na ti khawm an hriet nawh. Nupui pakhat lem chun, "Ka bubel ah Adele hung thla sienkhawm tu'm a na ti hre nangng ka ti" tiin a hril. A duthusam ang ngeiin mi tamtakin an hriet nawna hmunah, pangai taka nun hmang a nuom a. Hi tienlai In hlui fai tak le huon lien tak nei hi a naupa leh fang kuola hun hmang thawveng a nuom a nih. A tum dan chun a ruol tha bikhai, Beyonce, Jennifer Lawrence, Emma

Dakota Johnson Miami Beach ah Inpholang

MIAMI: "Anastasia Steele" le "Fifty Shades" star Dakota Johnson chu a ruolnu pakhat leh Miami Beach ah insukdei dingin nisa lum lai 'scarlet bikini' leh an pholang a. Bikini sen le lukhum par khumin nisa hlietu ding stylist sunglass leh, a taksa a ngo tha bawk, a lan fit tawk bawk a, en nuom a um kher el.



Don Johnson le Melanie Griffith hai naanu mani tawhak khawm inlâr ve tah Dakota hin bikini chauvin lukhum par leh beach lai an lawn an lawn a. A ruolnu hin mobile a lo inhnelpuia, iemani chang leh iemani an entir a, an innui sai sai a. A ruka thla lo latuhai hmu hai sien chun an innui ring a um nawh.

Dakota hi Hollywood family a inthawka hung seilien nu le pa ring thei a nia chu ama tawhak hlawtlingna nei ve tah tho a nih, abikin EL James lekhabu Fifty Shades trilogy ah. Bakah "Anastasia Steele" ah khawm a hlawtling bawk. Fifty Shades of Grey hmasatak chu Feb. 2015 khan insuo tan a ni a. Thla hni hnungah Fifty Shades Darker a suok a,

a pathumna ding Fifty Shades Freed chu February nawk khin insuo tan ning a ti. Vogue magazine le an interview-naah, "Saruoka nuhmei inlang hi kawng khatah chu inlarna pakhat a nih a. Thatlai tak lem chu an hlutna a nih. Ka nene hai an fuol vangng hnungin 'nude scene' thla inla lang tunam en nuom an ta?" tiin nuhmei assets nei tha tak chu an taksa mawina (nene) hi niin a hril a. Ama chu camera hmaa inhlip chuong taluo an zak naw niin a hril bawk.

Academy of Country Music 2017 Award Puong

LAS VEGAS: America rama Country Music hlasak- tuhai ta ding bika Country Music Award insangtak Academy of Country Music 2017 Awards chu Pathienni zan khan Mobile Arena, Las Vegas, New York ah nei a nih a. Carrie Underwood, Tim McGraw, Backstreet Boys le midang dangin an perform bakah Luke Bryan le Dierks Bentley han hne- saw takin an host a. Mi tam- tak beisei Award hran hran dawngtuhai chu a hnuoia hai hi an nih:

- Male Vocalist of the Year (Presented by T-Mobile) Jason Aldean
Female Vocalist of the Year (Presented by T-Mobile) Miranda Lambert
Vocal Duo of the Year (Presented by T-Mobile) Brothers Osborne
Album of the Year The Weight of These Wings, Miranda Lambert
Single Record of the Year "H.O.L.Y.," Florida Georgia Line
Song of the Year "Die a Happy Man," Thomas Rhett
Video of the Year (Presented by Xfinity) "Forever Country," Artists of Then, Now & Forever
Songwriter of the Year Lori McKenna
Vocal Event of the Year "May We All," Florida Georgia Line featuring Tim McGraw

Roger Federer-in Miami Open Nomawi dawm




MIAMI: Roger Federer chun an khel chanpui, a er em em Rafael Nadal chu 6-3, 6-4a hnein Miami Open Nomawi chu liemtah Pathienni khan alo dawm tah. Thla ruk zet inkhel theiloa um hnungin Federer hin Australian Open le Indian Wells hai khawm lo lata-in hratina a hung chang tung pei a nih. Nat zoa a hung inkhel nawk a inthawk hin a khingpui Nadal hi a lan tlawm vangng, final wawili an intuokna-ah hratina a la chang vangng a nih. Nadal ta ding hin Mami Opena hin a wavi nga final inkhelna niin hratina ala chang thak naw a nih.

Tiena tlanga inthawk khan anni hai pahni-hai inkhel dan hi an ang naw hle a, amiruoekchu tulai huna ding chun an ni pahni inkhel hi atulai inkhel dan tak niin khawvel mipui hmu nuom tak a hung nita a nih.

Women's double tieng pangah Sania Mirza le a ruolnu Barbora Strycova hai chun seeded khawm ni phaklo Gabriela Dabrowski le Xu Yifan hai chu hne zo loin an huntha chu an bawpel ta a nih. Indo-Czech nunghak hai hin an khingpui hai hin straight set 6-4, 6-3in an hneban a nih. Sania le ruolnu hi Sydney Internationala khawm khan final-ah lo tlawm lem-ta- in tuta hi tukuma dingin an t umhni tlawmlemna a nih.

ENGLISH PREMIER LEAGUE SUPER SUNDAY RESULT Swansea 0-0 Middlesbrough; Arsenal 2-2 Manchester City

English Premier League Super Sunday inkhel pahni a um a, a hmasa lemah Swansea chun Middlesbrough an lo mikhuol a, goal thun bik um lovin 0-0 in an inang-taw. Swansea hin inkhel chu an thunun hle a, anachu goal an thun thei bik nawh. Inkhel hun sung po po enin ball possession 63% an nei phak a nih. Goal shot khawm an nei tha thawkkhat hle a, Middlesbrough haiin goal zawnah vavikhat khawm shot an nei naw lai Swansea chun wavi 5 tawp an nei ve thung. Hi inkhela hin Yellow Card wavi 5 phawrlang a ni a, Swansea haiin pahni an hmu a, Middlesbrough tiengin pathum an hmu ve thung. Title inchnuaa thang phak ve a Arsenal le Manchester City an inkhel a.



Mikhuol tieng Macheder City chun minute 5 na chauah Leroy Sane hmangin goal an thun nghal a, chu goal chu minute 40 naah Theo Walcott hmangin Arsenal chun an thung kir a, chu zo char minute 42 naah

City chun Aquero hman- gin goal an thunsa nawk a, half chenhah City chun 2-1 in hma an thuoai a nih. Half zo hnung minute 53 naah Mustafi chun Arsenal ta dingin goal khat a thunsa a, hun tawp chenhah goal dang

a lut ta naw leiin 2-2 in an inangtaw a, point pakhat ve'n an insem ta a nih. Tuhin Manchester City hi point 58 neiin palina an ni mek a, Arsenal ruok chu point 51 neiin a parukna an nih.

Schweinsteiger-in goal thun nghal



Manchester United midfielder hlui Bastian Schweinsteiger chun Chicago Fire ta dinga Major League an khel hmasakna dingin goal khat a petlut nghal. Inrinni zana Montreal Impact le 2-2 a an indraw tum khan amah in goal hmat huoiu a petlut a nih.

Germany international hlui Schweinsteiger hin thla hmasak khan United a inthawk Chicago Fire hi free transfer-in an zawm a, a club thar ta ding hin inkhel tan a inthawk minute 17-na chau a David Accam cross ball hmang tangkaiin goal-in an changtir a nih.

Kum 32-a upa Basti hin Manchester United ta dingin match 35 an khelna-ah goal hni a thun a, club thar ta dinga an khel hmasatakna-ah goal a thun nghal hi phurna a pek hle a nih. Chicago hai hin April 8 khin Columbus Crew hai inkheliin an ti.

Zidane chun Real Madrid-a la cham dingin Isco a dit

Pathienni zana Alaves hai an hne huna goal khat thuntu Real Madrid player Isco chu an Coach Zinedin Zidane chun Season nawk khawm la cham ngei sien a nuom thu a hril. Isco hma tieng ding hi mi tam tak titina a ni a, newspaper thenkhata lem chu Barcelona tieng insawn thut thei a ni thu an lo zieklang ta nghe nghe. Contract ziek sa ding chung- ghang ruok chu hril a la ni naw a, ama khawm cham zing a la nuom a, an coach tak khawma a la dit chun contract chu an suksei ngei ring a um. Pathienni zana inkhel zo khan Zidane chu Isco chungchang indawn a ni a, ama chun, 'La cham dingin ka dit a, ama khawm a la nuom nghe nghe. Ama hi Real Madrid player a ni a, kan team-a ding player pawimaw tak a ni bawk. An



Khel dan reng reng sawisel ding ka hriet nawh a, an khel fuk hle a nih,' tiin a hril.

A hril zawm peinaa chun, 'La Liga le Champions League lak kavp ding chun player taphawt an pawimaw seng a, chu chu anni khawma an hriet kar leiin inkhel taphawt an jimkhor em em seng a, Isco khawm an khel chun a fim- khurin an khel tha thei hle a nih. Player 24 kan um a, an reng hin an pawimaw em em seng a nih,' tiin a hril.

Leander Paes in a Nomawi 20na dawm



India tennis star Leander Paes chun tukum sunga a nomawi hmasatakna dingin liemtah Pathienni khan alo dawm ve tah. Paes le a kawppui Adil Shamasdin hai chun an khingpui Luca Margaroli leh Caro Zampieri hai chu Challenger Tour men's double final-ah 6-1, 6-4a hnein nomawi hi an dawm a nih.

Kum 43-a upa Paes hin ATP World Tour 2015 khawm khan Auckland khawpuia a ruolpa Raven Klaasen le title lo lata- in kum 2013 khan Radek Stepanek le Gran Slam men's double title bawk an lo lak tah a nih. Tukum hin Dubai Championships le Delray Beach Open-ah semifianal lutin, tuta tum hi tukuma a final wavi khat kaina niin hlawtlingna a chang nghal a nih.

SPANISH PREMIER LEAGUE: Real Madrid chun point pahniin hma an thuoai zawm pei

La Liga Pathienni zan inkhelah leader Real Madrid chun Alaves an mikhuol a, 3-0 in an lo hne. Inkhel wavi 10 la um dingah Real Madrid hin tuhin hma an thuoai mek a, a dawttu Barcelona nekin point pahniin an insang lem bakah inkhel pakhat an nei tlawm lem bawk.



sa leiin Real Madrid hratina chu a hung namnghet zool ta a nih. Tuhin Real Madrid hi game 28 inkhel tain point 68 an nei mek a, Barcelona chun game 29 inkhel tain point 66 an nei mek ve thung. Valencia chun Deportivo La Coruna an mikhuol ve a, 2-0 in an lo hne ve. Inkhel tin hlum minute 8 naah Deportivo chun Pen- alty an hmu a, anachu Fay- cal Fajr chun a thun thel a,

chu zo sawnawteah Valencia chun Garay hmangin goal pakhat an hung thun nghal a. Deportivo an hratinaw naksaph minute 29-ah Raul Albentosa chun anni goal tieng a thun nawk nghal leiin Valencia chu 2-0 in an hrat lem ta a nih. Valencia hi tuhin table-ah 13-na an ni mek a, Depor- ivo ruok chu 16-na an ni ve thung.

Barcelona an lo mikhuol ve a, Barca hai hi 1-4 in an hrat. Half hma char minute 44 naah Luis Suarez chun goal hmasa a thun a, chu goal chu half zo minute 50naah Granada chun Jeremie Boga hmangin an rullêt a. Chu zo sawnate minute 64 naah Francisco Alacer chun Barca ta dingin goal dang a thun nawk a, minute 83 le 90-naah Ivan Rakitic le Neymar haiin Barca ta dingin goal khat ve ve an thun leiin Granada beiseina a tawp ta a nih. An hratinaw naksaph Granada player Henry Agbo chun minute 79 naah Red Card a la hei hmu nawk leiin Barcelona chun remchangan an hmang pha ta a nih. Granada hi game 29-ah poin 19 chau neiin tuhin table-ah an hn- uoi tak dawt an ni mek.

Relegation Zone-a um char char Granada chun